

Unha unidade móbil de doazón de sangue visita o Parlamento de Galicia

Santiago, 22 de maio de 2018.- Unha unidade móbil da Axencia de Doazón de Órganos e Sangue (ADOS) visitou esta mañá o Parlamento de Galicia para recoller doazóns de sangue, campaña que se repite, polo menos, dúas veces ao ano para incentivar este xesto solidario.

O presidente do Parlamento de Galicia, Miguel Ángel Santalices Vieira, e maila directora da Axencia de Doazón de Órganos e Sangue, Marisa López García, saudaron aos doadores e doadoras que acudiron ata a unidade móbil desprazada ao Pazo do Hórreo.

A campaña de recollida de doazóns de sangue que efectúa a Axencia de Doazón de Órganos e Sangue en empresas e organismos públicos representa o 9% de todas as doazóns recollidas anualmente en Galicia.

Na última campaña de doazón desenvolvida no Parlamento de Galicia, no mes de decembro do pasado ano, doaron sangue 23 persoas.

O presidente do Parlamento agradeceu a participación de todas as persoas que hoxe doaron sangue na Cámara galega e insistiu na necesidade de manter e incrementar este xesto altruísta que salva vidas.

Saúdos, Gabinete de Comunicación do Parlamento de Galicia.